

<b>Adroddiad i'r</b>	Cyngor Sir
<b>Dyddiad y cyfarfod:</b>	7 Medi 2021
<b>Aelod Arweiniol / Swyddog:</b>	Cyng. Hugh Evans, Arweinydd y Cyngor
<b>Awdur yr Adroddiad:</b>	Gary Williams, Pennaeth y Gwasanaethau Cyfreithiol, Adnoddau Dynol a Democratiaidd
<b>Teitl</b>	Amrywiaeth mewn Democratiaeth

## 1. Am beth mae'r adroddiad yn sôn?

- 1.1. Mae'r adroddiad hwn yn sôn am waith Cymdeithas Llywodraeth Leol Cymru (CLILC) fel rhan o'i Raglen Amrywiaeth mewn Democratiaeth.

## 2. Beth yw'r rheswm dros lunio'r adroddiad hwn?

- 2.1. Tynnu sylw Aelodau at Raglen Amrywiaeth mewn Democratiaeth CLILC a'r camau gweithredu a gymeradwywyd gan Gyngor CLILC, ynghyd â chais i bob Cyngor yng Nghymru ymrwymo i fod yn 'Gynghorau Amrywiol'.

## 3. Beth yw'r Argymhellion?

- 3.1. Bod y Cyngor yn nodi'r cynnwys a'r camau gweithredu a amlinellwyd yn adroddiad a llythyr Cyngor CLILC sydd wedi'u cynnwys yn Atodiad 1 a 2.
- 3.2. Bod y Cyngor yn ymrwymo i fod yn 'Gyngor Amrywiol' a'i fod yn cefnogi'r egwyddorion a nodir yn y datganiad drafft yn Atodiad 3.
- 3.3. Bod y Pwyllgor Gwasanaethau Democratiaidd yn cael y dasg o ddatblygu Cynllun Gweithredu Cyngor Amrywiol cyn etholiadau llywodraeth leol 2022.

## 4. Manylion yr Adroddiad

- 4.1. Mae gan CLILC Raglen Amrywiaeth mewn Democratiaeth uchelgeisiol i geisio sicrhau bod siambrau cynghorau yn fwy cynrychioladol o'r cymunedau mae nhw'n eu gwasanaethu. Mae nhw wedi bod yn ystyried ffyrdd o sicrhau mwy o amrywiaeth ar ôl etholiadau llywodraeth leol mis Mai 2022.
- 4.2. Ym mis Medi 2018, cytunodd Cyngor CLILC i gymryd camau i gynyddu cydraddoldeb rhywiol ac amrywiaeth mewn Cynghorau cyn etholiadau 2022. Roedd hyn er mwyn cydnabod y diffyg amrywiaeth sydd yng Nghynghorau Cymru. Sefydlwyd gweithgor trawsbleidiol er mwyn edrych ar tangynrychiolaeth ehangach mewn democratiaeth. Mewn cyfarfod arbennig ym mis Mawrth eleni, cafodd Cyngor CLILC adroddiad gan y gweithgor trawsbleidiol hwnnw gyda chynigion wedi'u dylunio i gyflawni newid sylweddol mewn amrywiaeth ar ôl etholiadau 2022. Mae'r adroddiad wedi ei atodi fel Atodiad 1.
- 4.3. Mae'r adroddiad yn nodi rhwystrau i gyfranogiad a gellid eu crynhoi'n fras fel:
  - Ymrwymiad amser ac amseroedd cyfarfodydd;
  - Diwylliant gwleidyddol a sefydliadol;
  - Cyfrifoldebau gofalu plant a chyfrifoldebau gofalu eraill;
  - Beirniadaeth gan y cyhoedd a chamdriniaeth ar-lein;
  - Tâl ac effaith ar gyflogaeth; a
  - Diffyg modelau rôl amrywiol a chyfnod mewn swydd.
- 4.4. Cytunodd Cyngor CLILC yn unfrydol bod angen ymdrech unedig a chyfun ar draws teulu llywodraeth leol a phleidiau gwleidyddol. O ganlyniad i'r cyfarfod hwnnw, anfonwyd llythyr at bob Awdurdod Lleol yng Nghymru, wedi'i lofnodi gan bob un o arweinwyr y grwpiau gwleidyddol a gaiff eu cynrychioli ar Gyngor CLILC. Mae copi o'r llythyr hwnnw wedi ei atodi fel Atodiad 2 i'r adroddiad hwn.
- 4.5. Cytunodd Cyngor CLILC i annog pob plaid wleidyddol, trwy Grwpiau Gwleidyddol CLILC, i ymrwymo i weithgareddau rhagweithiol a chydlynol er mwyn gwella amrywiaeth mewn democratiaeth llywodraeth leol. Gwnaethant hefyd gytuno ar safbwynt ffurfiol sy'n galw am gyflwyno 'grantiau adsefydlu' i bob cynghorydd a deiliaid cyflogau uwch, ac annog pob cynghorydd i hawlio

unrhyw lwfansau neu dreuliau angenrheidiol, er mwyn sicrhau bod cyfranogiad ar gael i bawb, nid dim ond y rhai a allai ei fforddio.

- 4.6. Penderfynodd Cyngor CLILC hefyd y byddent yn cefnogi defnyddio cwotâu gwirfoddol ar gyfer etholiadau lleol Cymru a dylai Cyngorau osod targedau i fod yn gynrychioladol o'r cymunedau maen nhw'n eu gwasanaethu yn etholiadau 2022.
- 4.7. Cytunodd Cyngor CLILC hefyd i annog datganiad gan gynghorau yng Nghymru, ar fod yn 'Gynghorau Amrywiol', er mwyn:
- Darparu ymrwymiad clir, cyhoeddus i wella amrywiaeth;
  - Dangos diwylliant agored a chroesawgar i bawb;
  - Ystyried gwasgaru amseroedd cyfarfodydd y cyngor a chytuno ar gyfnodau toriad er mwyn cefnogi cynghorwyr sydd ag ymrwymadau eraill; a
  - Gosod cynllun gweithredu ar gyfer gweithgareddau cyn etholiadau lleol 2022.
- 4.8 Mae datganiad drafft ynghlwm fel Atodiad 3.
- 4.9 Mae'n bwysig nodi bod rhai agweddau ar y rhaglen amrywiaeth y tu hwnt i gylch gwaith y Cyngor, ac mae angen i bleidiau gwleidyddol a grwpiau budd-ddeiliad eraill fynd â meysydd o'r fath ymlaen.
- 4.10 Mae CLILC wedi lansio gwefan 'Byddwch yn Gynghorydd' sy'n cynnwys gwybodaeth am rôl cynghorydd a'r gefnogaeth a'r cyfleoedd i ddatblygu sydd ar gael. Mae'r wefan ar gael yn <https://www.byddwchynghorydd.cymru/>.
- 4.11 Os bydd y Cyngor yn cytuno i wneud datganiad gyda'r telerau a nodir yn Atodiad 3, awgrymir bod y dasg o baratoi Cynllun Gweithredu yn cael ei dirprwyo i'r Pwyllgor Gwasanaethau Democrataidd.

## **5. Sut mae'r penderfyniad yn cyfrannu at y Blaenoriaethau Corfforaethol?**

5.1. Mae Cynllun Corfforaethol y Cyngor yn cynnwys ymrwymiad i ymgysylltu, herio a, lle bo modd, cael gwared ar rwystrau i gyfleoedd ar gyfer y rhai hynny sydd â nodweddion a ddiogelir.

## **6. Faint fydd hyn yn ei gostio a sut y bydd yn effeithio ar wasanaethau eraill?**

6.1. Ni fydd y datganiad ei hun yn costio unrhyw beth. Caiff unrhyw gostau sy'n gysylltiedig â'r cynllun gweithredu eu nodi yn ystod y broses o ddatblygu'r cynllun hwnnw.

## **7. Beth yw prif gasgliadau'r Aseiad o'r Effaith ar Les?**

7.1. Nid oes gofyniad am aseiad o'r effaith ar les ar gyfer yr adroddiad hwn.

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Nid yw'r adroddiad hwn wedi'i ystyried gan Bwyllgor Craffu.

## **9. Datganiad y Prif Swyddog Cyllid**

9.1 Fel y nodwyd yn adran 6 nid oes unrhyw oblygiadau ariannol uniongyrchol i'r adroddiad hwn. Byddai angen ymdrin ag unrhyw bwysau net o'r cynllun gweithredu a gyfyd yn ystod y flwyddyn o'r arian wrth gefn presennol, a rhoddir ystyriaeth iddo fel rhan o broses gyllidebol ar gyfer 2022/23.

## **10. Pa risgiau sydd ac a oes unrhyw beth y gallwn ei wneud i'w lleihau?**

10.1. Mae risg y bydd methu â mynd i'r afael â rhai o'r materion sy'n rhwystr i rai grwpiau mewn cymdeithas rhag cyfranogi yn y broses ddemocrataidd yn cymhell rhai aelodau o'r cyhoedd i beidio â sefyll fel ymgeiswyr mewn etholiadau, ac felly bydd hyn yn cyfyngu ar amrywiaeth cynrychiolaeth.

## **11. Pŵer i wneud y Penderfyniad**

11.1. a2 Deddf Llywodraeth Leol 2000

11.2. a111 Deddf Llywodraeth Leol 1972